





第三〇三册

四庫全書

●上海古籍出版社

本冊目次

竹書紀年	竹書統箋	前漢紀	後漢紀	元經	唐創業起居注
------	------	-----	-----	----	--------

舊題梁沈約注……………一	清徐文靖撰……………四三	漢荀悅撰……………二〇三	晉袁宏撰……………四九一	舊題隋王通撰 唐薛王收續并傳……………八二九	宋阮逸注 唐溫大雅撰……………九五五
--------------	--------------	--------------	--------------	---------------------------	-----------------------

欽定四庫全書

史部
竹書紀年卷上

詳校官編修臣范來宗

洗馬臣王垣修覆勘

覆校官中書臣汪師曾

校對官中書臣潘奕嵩

滕錫璽生臣蔣厚傳

欽定四庫全書

史部二

竹書紀年

編年類

提要

臣等謹案竹書紀年二卷舊本稱為汲冢古

書考晉書東晉傳晉咸和七年汲縣人發魏

襄王冢得古書七十五卷中有竹書紀年十

三篇今世所行題沈約注亦與隋志相符顧

炎武考證之學最為精核所作日知錄中往

欽定四庫全書

竹書紀年

往引以為據然反覆推勘似非汲冢原書其

中如平王東遷以後惟載晉事三家分晉以

後惟載魏事是魏承晉史之明驗然晉靈公

桃園之事董狐所書明見左傳孔子稱趙盾

為法受惡足知未改史文乃今本所載仍以

趙穿蔽獄則非晉史之舊也東晉傳稱竹書

載夏年多殷益干啟位殺之今本皆無此文

又杜預注左傳攜王奸命句引服虔說以為

伯服疏併引束皙說以為伯盤今本乃有余由之說使竹書原有此文不應二人皆未睹則非束皙杜預所見本也郭璞註穆天子傳引紀年七條以今本校之相同者三條璞稱紀年而今在注中者三條璞時不應先有注且三條併為一條文亦不屬其穆天子見西王母西王母止之曰有鳥鵲人一條今本無之則非郭璞所見本也隨書經籍志曰紀年皆用夏正建寅之月為歲首今本自入春秋以後時月並與經同全從周正則非隋時所見本也水經注引竹書七十六條皆以晉國紀年如春秋之為魯史而此本晉國之年皆附周下又所引出公六年荀瑤城宅陽梁惠王元年鄩師邯鄩師於平陽魏襄王六年秦取我焦及齊師伐趙東鄩圍中牟諸條今本皆無之其他年月亦多舛異則非鄩道元所

見本也史通引竹書文王殺季歷今本作文丁又引竹書鄭桓公厲王之子今本錫王子多父命居洛在宣王二十二年王子多父為鄭公在幽王二年皆不云厲王子則非劉知幾所見本也文選注引竹書五條今惟有太甲殺伊尹一條則非李善所見本也開元占經引竹書四條今本皆無則非瞿曇悉達所見本也史記索隱引竹書晉出公二十三年奔楚乃立昭公之孫是為敬公今本作出公薨又引秦與衛戰雁門惠王後元十一年會齊于平阿十三年會齊于甄齊桓公君母齊宣公后宋易成肝廢君自立褚里疾圍蒲七條今本皆無則非司馬貞所見本也穀梁傳疏引竹書紀年周昭王膠舟之事以駁呂氏春秋今本但曰王陟無膠舟事則非楊士勛所見本也元豐九域志引竹書陰司馬敗燕

公子翬於武垣一條今本亦無則非王存所見本也路史引竹書周武王年五十四辨武王年非九十三今本乃作九十三又注引竹書夏后不降六十九年證世紀五十九年之異今本乃亦作五十九路史又引梁惠成八年雨骨子亦輟注又引夏桀末年社圻裂今本並無則非羅泌羅革所見本也戰國策註引竹書魏救中山塞胥口今本無之則非鮑彪所見本也廣川書跋引竹書秦穆公十一年取靈丘今本無之則非董道所見本也雖其他證以竹書往往相合然角征稱辰弗集於房說命稱舊學於甘盤均出梅賾古文尚書在西晉之後不應先見竹書豈亦明人抄合諸書以為之如十六國春秋類歟沈約注外又有小字夾行之注不知誰作中殷小庚一條稱約案史記作太庚則亦當為約說考

元和郡縣志魏武定七年始置海州隋煬帝時始置衛縣而注舜在鳴條一條稱今海州夏啟十一年放武觀一條稱今頓丘衛縣則非約語矣又所注惟五帝三王最詳他皆寥寥而五帝三王皆全抄宋書符瑞志語約不應既著於史又不易一字移而為此本之註然則此注亦依托耳自明以來流傳已久姑錄之以備一說其偽則終不可掩也乾隆四十二年九月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

竹書紀年卷上

梁沈約注

黃帝軒轅氏

母曰附寶見大電繞北斗樞星光照郊野感而孕二十五月而生帝於壽丘弱而能言龍顏有聖德劾百神朝而使之應龍攻蚩尤戰虎豹熊羆四獸之力以女魃止淫雨天下既定聖德光被羣瑞畢臻有屈軼之草生於庭佞人入朝則草指之是以佞人不敢進

欽定四庫全書

竹書紀年卷上

元年帝即位居有熊初制冕服

二十年景雲見以雲紀官

有景雲之瑞赤方氣與青方氣相連赤方中有兩星青方中有一星凡三星皆黃色以天清明時見於攝提名曰景星帝黃服齋於中宮坐於玄扈洛水之上有鳳凰集不食生蟲不履生草或止帝之東園或巢於阿閣或鳴於庭其雄自歌其雌自舞麒麟在園神鳥來儀有大螭如羊大螭如虹帝以土氣勝遂以土

德王

五十年秋七月庚申鳳鳥至帝祭于洛水

欽定四庫全書

竹書紀年卷上

二

曰龜不達聖智故焦霧既降游于洛水之上見大魚殺五牲以醺之天乃甚雨七日七夜魚流於海得圖書焉龍圖出河龜書出洛亦文篆字以授軒轅接萬神於明庭今塞門谷口是也

五十九年貫胄氏來賓長股氏來賓

七十七年昌意降居若水產帝乾荒

一百年地裂帝陟

帝王之崩皆曰陟書稱新陟王謂新崩也帝以土德

王應地裂而陟葬羣臣有左徹者感恩帝德取衣冠
几杖而朝饗之諸侯大夫歲時朝焉

約按帝摯少昊氏母曰女節見星如虹下流華渚既
而夢接意感生少昊登帝位有鳳凰之瑞或曰名清
不居帝位帥鳥師居西方以鳥紀官

帝顓頊高陽氏

母曰女樞見瑤光之星貫月如虹感已於幽房之宮
生顓頊於若水首戴干戈有聖德生十年而佐少昊

欽定四庫全書

竹書紀年
卷上

三

氏二十而登帝位

元年帝即位居濮

十三年初作厯象

二十一年作承雲之樂

三十年帝產伯鯨居天穆之陽

七十八年帝陟術器作亂辛侯滅之

帝嚳高辛氏

生而駢齒有聖德初封辛侯代高陽氏王天下使鼓

人拊鞀鼓擊鐘磬鳳皇鼓翼而舞

元年帝即位居亳

十六年帝使重帥師滅有郇

四十五年帝錫唐侯命

六十三年帝陟

帝子摯立九年而廢

帝堯陶唐氏

母曰慶都生於斗維之野常有黃雲覆其上及長觀

欽定四庫全書

竹書紀年
卷上

于三河常有龍隨之一旦龍負圖而至其文要曰亦

受天祐眉八彩鬚髮長七尺二寸面銳上豐下足履

翼宿既而陰風四合赤龍感之孕十四月而生堯於

丹陵其狀如圖及長身長十尺有聖德封於唐夢攀

天而上高辛氏衰天下歸之

元年丙子帝即位居冀命羲和厯象

五年初巡狩四岳

七年有麟

十二年初治兵

十六年渠搜氏來賓

十九年命共工治河

二十九年春雋侯氏來朝貢沒羽

四十二年景星見于翼

五十年帝游于首山乘素車玄駒

五十三年帝祭于洛

五十八年帝使后稷放帝子朱於丹水

欽定四庫全書

竹書紀年
卷上

五

六十一年命崇伯鯀治河

六十九年黜崇伯鯀

七十年春正月帝使四岳錫虞舜命

帝在位七十年景星出翼鳳皇在庭朱草生嘉禾秀

甘露潤醴泉出日月如合璧五星如聯珠厨中自生

肉其薄如箴搖動則風生食物寒而不臭名曰萑脯

又有草莢階而生月朔始生一莢月半而生十五莢

十六日以後日落一莢及晦而盡月小則一莢焦而

不落名曰莢莢一曰歷莢洪水既平歸功於舜將以

天下禪之乃潔齊修壇場於河洛擇良日率舜等升

首山遵河渚有五老游焉蓋五星之精也相謂曰河

圖將來告帝以期知我者重瞳黃姚五老因飛為流

星上入昴二月辛丑昧明禮備至於日昃榮光出河

休氣四塞白雲起回風搖乃有龍馬銜甲赤文綠色

緣壇而上吐甲圖而去甲似龜背廣九尺其圖以白

玉為檢赤土為泥似黃金約以青繩檢文曰闔色授

欽定四庫全書

竹書紀年
卷上

六

帝舜言虞夏當授天命帝乃寫其言藏於東序後二

年二月仲辛率羣臣沈璧於洛禮畢退俟至于下昃

亦先起元龜負書而出背甲赤文成字止壇其書言

當禪舜遂讓舜

七十一年帝命二女嬪于舜

七十二年春正月舜受終于文祖

七十四年虞舜初巡狩四岳

七十五年司空禹治河

七十六年司空伐曹魏之戎克之

八十六年司空入觀醵用玄圭

八十七年初建十有二州

八十九年作游宮於陶

九十年帝游居于陶

九十七年司空巡十有二州

一百年帝陟于陶

帝子丹朱避舜于房陵舜讓不克朱遂封于房為虞

欽定四庫全書

竹書紀年
卷上

七

賓三年舜即天子之位

帝舜有虞氏

母曰握登見大虹意感而生舜於姚墟目重瞳子故

名重華龍顏大口黑色身長六尺一寸舜父母憎舜

使其塗廩自下焚之舜服鳥工衣服飛去又使浚井

自上填之以石舜服龍工衣自傍而出耕於歷夢肩

長與髮等遂登庸

元年己未帝即位居冀 作大韶之樂

即帝位堯莖生於階鳳凰巢於庭擊石拊石以歌九
韶百獸率舞景星出于房地出乘黃之馬

三年命皋陶作刑

九年西王母來朝

西王母之來朝獻白環玉玦

十四年卿雲見命禹代虞事

在位十有四年奏鍾石笙管未罷而天大雷雨疾風

登屋拔木枹鼓播地鍾磬亂行舞人頓伏樂正狂走

欽定四庫全書

竹書紀年
卷上

八

舜乃執堵持衡而笑曰明哉天下非一人之天下也

亦乃見于鍾石笙管乎乃薦禹于天使行天子事也

于時和氣普應慶雲興焉若烟非烟若雲非雲郁郁

紛紛蕭索輪囷百工相和而歌慶雲帝乃倡之曰慶

雲爛兮糾繆繆兮日月光華旦復旦兮羣臣咸進頓

首曰明明上天爛然星陳日月光華弘于一人帝乃

再歌曰日月有常星辰有行四時從經萬姓允誠於

予論樂配天之靈遷于聖賢莫不咸聽聳乎鼓之軒

乎舞之精華以竭寰裳去之於是八風循通慶雲叢聚螭龍奮迅於其藏蛟魚踊躍於其淵龜鼈成出其穴遷虞而事夏舜乃設壇於河依堯故事至于下昃紫光休至黃龍負圖長三十二尺廣九尺出于壇畔赤文緣錯其文言當禪禹

十五年帝命夏后有事于太室

十七年春二月入學初用萬

二十五年息慎氏來朝貢弓矢

欽定四庫全書

卷上
竹書紀年

九

二十九年帝命子義鈞封于商

三十年葬后育于渭

三十二年帝命夏后總師遂陟方岳

三十三年春正月夏后受命于神宗遂復九州

三十五年帝命夏后征有苗有苗氏來朝

四十二年玄都氏來朝貢寶玉

四十七年冬隕霜不殺草木

四十九年帝居于鳴條

五十年帝陟

義鈞封于商是謂商鈞后有娥皇也鳴條有倉梧之

山帝崩遂葬焉今海州

帝禹夏后氏

母曰修已出行見流星貫昴夢接意感既而吞神珠修已背剖而生禹於石紐虎鼻口兩耳參鑣首戴鈎鈐胸有玉斗足丈履已故名文命長有聖德長九尺九寸夢自洸於河取水飲之又有白狐九尾之瑞當堯

欽定四庫全書

卷上
竹書紀年

十

之世舜舉之禹觀於河有長人白面魚身出曰吾河精也呼禹曰文命治水言訖授禹河圖圖言治水之事乃退入于淵禹治水既畢天錫玄圭以告成功夏道將興草木暢茂青龍止于郊祝融之神降于崇山乃受舜禪即天子之位洛出龜書是為洪範三年喪畢都于陽城

元年壬子帝即位居冀 頒夏時于邦國

二年咎陶薨

五年巡狩會諸侯于塗山

南巡狩濟江中流有二黃龍負舟舟人皆懼禹笑曰
吾受命于天屈力以養人生性也死命也奚憂龍哉
龍于是曳尾而逝

八年春會諸侯于會稽殺防風氏 夏六月雨金于夏

邑 秋八月帝陟于會稽禹立四十五年

禹薦益於天七年禹崩三年喪畢天下歸啟

帝啟

欽定四庫全書

竹書紀年
卷上

十一

元年癸亥帝即位于夏邑大饗諸侯于鈞臺諸侯從帝

歸于冀都大饗諸侯于璿臺

二年費侯伯益出就國 王帥師伐有扈大戰于甘

在始平
鄠縣

六年伯益薨祠之

八年帝使孟涂如巴沚訟

十年帝巡狩舞九韶于大稷之野

十一年放王季子武觀于西河

武觀即五觀也觀
國今頓丘衛縣

十五年武觀以西河叛彭百壽帥師征西河武觀來歸

十六年陟

帝太康

元年癸未帝即位居斟鄩敗于洛表羿入居斟鄩

四年陟

帝仲康

元年己丑帝即位居斟鄩

五年秋九月庚戌朔日有食之命胤侯帥師征羲和

欽定四庫全書

竹書紀年
卷上

十二

六年錫昆吾命作伯

七年陟 世子相出居商丘依邳侯

一作依同姓諸
侯斟灌斟鄩

帝相

元年戊戌帝即位居商 征淮夷

二年征風及黃夷

七年堯來賓

八年寒浞殺羿使其子澆居過

九年相居于斟灌

十五年商侯相土作乘馬遂遷于商丘

二十年寒浞滅戈

二十六年寒浞使其子澆帥師滅斟灌

二十七年澆缺斟鄩大戰于維覆其舟滅之

二十八年寒浞使其子澆弑帝后緡歸于有仍伯靡出奔禹

斟灌之墟是為帝丘后緡方娠逃出自竇歸于有仍

伯靡奔有禹氏

欽定四庫全書

竹書紀年
卷上

十一

夏世子少康生

丙寅年

少康自有仍奔虞

乙酉年

伯靡自禹帥斟鄩斟灌之師以伐浞世子少康使汝父

伐過殺澆

甲辰年

伯子杼帥師滅戈

伯靡殺寒浞少康自綸歸于夏邑

乙巳年

明年后緡生少康既長為仍牧正慕澆能戒之澆使

椒求之將至仍少康逃奔有虞為之庖正以除其害

虞思於是妻之以二姚而邑諸綸有田一成有衆一

旅能布其德而兆其謀以收夏衆撫其官職夏之遺

臣伯靡自有禹氏收二斟之燼以伐浞浞恃澆皆康

娛日忘其惡而不為備少康使汝父譟澆初浞娶純

狐氏有子早死其婦曰女岐寡居澆強圍往至其戶

陽有所求女岐為之縫裳共舍而宿汝父夜使人襲

斷其首乃女岐也澆既多力又善走父乃田獵放犬

逐獸因族澆顛隕乃斬澆以歸于少康於是夏衆滅

浞奉少康歸于夏邑諸侯始聞之立為天子祀夏配

欽定四庫全書

竹書紀年
卷上

十四

天不失舊物

帝少康

元年丙午帝即位諸侯來朝賓虞公

二年方夷來賓

三年復田稷

后稷之後不廬失官至是而復

十一年使商侯來治河

十八年遷于原

二十一年陟

帝杼

元年己巳帝即位居原

五年自原遷于老丘

八年征于東海及三壽得一狐九尾

十三年商侯冥死于河

十七年陟

杼或作帝宇一曰伯杼杼能帥禹者也故夏后氏報

欽定四庫全書

竹書紀年
卷上

十三

禹

帝芬

元年戊子帝即位

三年九夷來御

十六年洛伯用與河伯馮夷鬪

三十三年封昆吾氏子于有燕

三十六年作圓土

四十四年陟

芬或曰芬發

帝芒

元年壬申帝即位以玄珪賓于河

十三年冬狩于海獲大魚

三十三年商侯遷于殷

五十八年陟

芒或曰帝荒

帝泄

欽定四庫全書

竹書紀年
卷上

十六

元年辛未帝即位

十二年殷侯子亥賓于有易有易殺而放之

十六年殷侯微以河伯之師伐有易殺其君綿臣

殷侯子亥賓于有易而淫焉有易之君綿臣殺而放

之故殷上甲微假師于河伯以伐有易滅之遂殺其

君綿臣中葉衰而上甲微復興故殷人報焉

二十一年命猷夷白夷玄夷風夷猷

黃夷

二十五年陟

帝不降

元年己亥帝即位

六年伐九苑

三十五年殷滅皮氏

五十九年遜位于弟局

帝局

元年戊戌帝即位

十年帝不降陟

欽定四庫全書

竹書紀年
卷上

十一

三代之世內禪惟不降實有聖德

十八年陟

帝履

一名肩甲

元年己未帝即位居西河

四年作西音

昆吾氏遷于許

己姓名樊封于衛夏
衰為伯遷于葛許

八年天有祲孽十日並出其年陟

帝孔甲

元年乙巳帝即位居西河 廢承韋氏使劉累養龍

三年王畋于萁山

五年作東音

七年劉累遷于魯陽

王好事鬼神肆行淫亂諸侯化之夏政始衰田于東

陽萁山天大風晦盲孔甲迷惑入于民室主人方乳

或曰后来見良日也之子必大吉或又曰不勝也之

子必有殃孔甲聞之曰以為余一人子夫誰殃之乃

欽定四庫全書

竹書紀年
卷上

十二

取其子以歸既長為斧所戕乃作破斧之歌是為東

音劉累所畜龍一雌死滑醢以食夏后夏后饗之既

而使求之懼而遷于魯陽其後為范氏

九年陟 殷侯復歸于商丘

帝昊

昊一作皐

元年庚辰帝即位

使承韋氏復國

夏衰昆吾
氏相繼為伯

三年陟

帝發

一名后敬或曰發惠

元年乙酉帝即位 諸夷賓于王門再保壙會于土池

諸夷入舞

七年陟泰山震

帝發

一名桀

元年壬辰帝即位居斟鄩

欽定四庫全書

竹書紀年
卷上

十九

三年桀傾宮 毀容臺 畎夷入于岐以叛

六年岐踵戎來賓

十年五星錯行夜中星隕如雨 地震 伊洛竭

十一年會諸侯于仍有緡氏逃歸遂滅有緡

十三年遷于河南 初作桀

十四年扁帥師伐岷山

一作山民

癸命扁伐山民山民女于桀二人曰琬曰琰后愛二人女無子焉斲其名于荑華之玉荑是琬華是琰而

棄其元妃于洛曰妹喜於傾宮飾瑤臺居之

十五年商侯履遷于亳

成湯元年

十七年商使伊尹來朝

二十年伊尹歸于商及汝鳩汝方會于北門

二十一年商師征有洛克之遂征荊荊降

二十二年商侯履來朝命囚履于夏臺

二十三年釋商侯履 諸侯遂賓于商

二十六年商減溫

欽定四庫全書

竹書紀年
卷上

二十

二十八年昆吾氏伐商商會諸侯于景亳遂征韋商師

取韋遂征顧 太史令終古出奔商

二十九年商師取顧 三日竝出 費伯昌出奔商

冬十月鑿山穿陵以通于河

三十年瞿山崩 殺其大夫闔龍逢 商師征昆吾

冬聆遂災

三十一年商自阮征夏邑克昆吾大雷雨戰于鳴條夏師敗績桀出奔三股商師征三股戰于郕獲桀于焦門